

Pourtchi? par FMH

Je voudrais bein saver pourtchi  
Que l's'avièrs sont enviés lus couochi  
De bouanne heuthe sans aver sommé;  
Quand tout lus d'si est d'rester a jouer?

Si eune bouanne gamme ils ont c'menchi  
Et voudraient bein la vaie fini;  
Nou n'lus donne pon eune p'tite minute.  
Mais dêlièment nou les cache au liet.

Si sont hardi intérèssis  
A r'garder un programme tch'instruit,  
"En v'la assez d'la Télévision "  
Pépée dit rupéement sans raison.

Quand j'sis couochi tristement au liet,  
Et qu'a bas j'les ouait rithe et pâler;  
Je m'dis qu'quand j's'rai grand j'lus montréthait,  
Que j'restethai d'but tout l'long d'la niet!

Go to the [Learn Jèrriais website](http://www.learnjerriais.org) to find the audio version of these...

[www.learnjerriais.org](http://www.learnjerriais.org)

